

মিশকাতুল মাসাবীহ (মিশকাত)

হাদিস নম্বরঃ ১৫৯৬

পর্ব-৫: জানাযা (كتاب الجنائز)

পরিচ্ছেদঃ ১. তৃতীয় অনুচ্ছেদ - রোগী দেখা ও রোগের সাওয়াব

আরবী

عَنْ الْعَرِيَّاضِ بْنِ سَارِيَةَ أَنَّ رَسُولَ اللَّهِ صَلَّى اللَّهُ عَلَيْهِ وَسَلَّمَ قَالَ: يَخْتَصِمُ الشُّهَدَاءُ وَالْمُتَوَفَّوْنَ عَلَى فُرُشِهِمْ إِلَى رَبِّنَا فِي الَّذِينَ يُتَوَفَّوْنَ مِنَ الطَّاعُونَ فَيَقُولُ الشُّهَدَاءُ: إِخْوَانُنَا قَتَلُوا كَمَا قَتَلْنَا وَيَقُولُ: الْمَتَوَفُونَ عَلَى فُرُشِهِمْ إِخْوَانُنَا مَا تَوَا عَلَى فُرُشِهِمْ كَمَا مِتْنَا فَيَقُولُ رَبِّنَا: انْظُرُوا إِلَى جِرَاحِهِمْ فَإِنْ أَشْبَهَتْ جِرَاحَهُمْ جِرَاحَ الْمَقْتُولِينَ فَإِنَّهُمْ مِنْهُمْ وَمَعَهُمْ فَإِذَا جِرَاحُهُمْ قَدْ أَشْبَهَتْ جِرَاحَهُمْ . رَوَاهُ أَحْمَدُ وَالنَّسَائِيُّ

বাংলা

১৫৯৬-[৭৪] 'ইরবায় ইবনু সারিয়াহ্ (রাঃ) হতে বর্ণিত। রসূলুল্লাহ সাল্লাল্লাহু আলাইহি ওয়াসাল্লাম বলেছেনঃ শাহীদগণ এবং যারা বিছানায় মৃত্যুবরণ করেছে তারা আল্লাহ তা'আলার নিকট প্লেগ রোগে মৃত্যুবরণকারীদের ব্যাপারে ঝগড়া করবে। শহীদগণ বলবে, "এরা আমাদের ভাই। কেননা আমাদেরকে যেভাবে নিহত করা হয়েছে, এভাবে এদেরকেও নিহত করা হয়েছে।" আর বিছানায় মৃত্যুবরণকারীগণ বলবে, "এরা আমাদের ভাই। এ লোকেরা এভাবে বিছানায় শুয়ে মৃত্যুবরণ করেছে, যেভাবে আমরা মরেছি।" তখন আল্লাহ তা'আলা বলবেন, এদের জখমগুলোকে দেখা হোক। এদের জখম যদি শহীদদের জখমের মতো হয়ে থাকে, তাহলে এরাও শহীদদের অন্তর্ভুক্ত এবং তাদের সাথে থাকবে। বস্তুত যখন জখম দেখা হবে, তখন তা' শাহীদদের জখমের মতো হবে। (আহমাদ, নাসায়ী)[1]

ফুটনোট

[1] সহীহ : নাসায়ী ৩১৬৪, আহমাদ ১৭১৫৯, শু'আবুল ঈমান ৯৪১৬, সহীহ আত্ তারগীব ১৪০৬, সহীহ আল জামি' আস্ সগীর ৮০৪৬।

ব্যাক্য

ব্যাখ্যা: এ ঝগড়াটি জান্নাতের বাইরে হবে তা না হলে প্রশ্ন থাকবে কেননা জান্নাতের বিষয়ে এসেছে তোমাদের মন যা চাবে তাই পাবে। সুতরাং যে জান্নাতে শাহীদদের মর্যাদা চাবে তা পাবে।

হাদিসের মান: সহিহ (Sahih) পুনঃনিরীক্ষিত

পাবলিশারঃ হাদিস একাডেমি

🔗 Link — <https://www.hadithbd.com/hadith/link/?id=56156>

📖 হাদিসবিডির প্রজেক্টে অনুদান দিন